

plementum copias Matthias adduxerat, Italique supervenerant. Cæsareani in urbem irrumpere conati ac repulsi, tabulatis, cratibus, aliisque ad arcendos ignes tecti, suffossaligonibus humo, propius succedunt; hostili munitione, ex qua prospectus in arcis aream erat, occupata, magno impetucuncta prosternunt. Inde hostes, ardore restincto, de concordia agunt. Cæsareani deditioe kal. septembris Strigonium recipiunt; propugnatores ex pacto cum acinace ac sarcinis, quantas singuli ferre possent, secundo amne Budam abire permessi. Diversa ex parte Græciæ Beglerbegum cum vigintiquinque millium bellatorum copiis Sigismundus Battoreus fregerat. Valachiæ Regulus, magno incolarum ac Dacorum numero coacto, Danubio trajecto, obviis Turcis profligatis, usque Nicopolim delatus, eam urbem diripuit flammisque absumpsit. Dacus Lippam occupat; Sinanem octoginta millium copiis Danubium ponte transgressum adortus, multis cæsis, se recipere coegit. His prospere Cæsari affluentibus, superioris anni compensari clades; ac jam vetus ea sententia obsolescere cœpit, qua plerisque persuasum erat, terrestribus præliis invicta Turcarum arma esse, cum profligati exercitus, captæ urbes, vastati agri, ac prope in viscera Ottomanici imperii invecta Christianorum arma cernerentur.

*Strigonium
a Cæsareanis
deditio-
ne captum.
Turca a
Battoreo &
Valachia
Regulo pro-
fligati.*

Ea in causa erant, ut cum omnes conatus in Pannonico bello Mehemetes novus Imperator intenderet, navalium rerum cura prætermissa, maritimæ Turcarum vires languerent; neque prævalidas, uti antea assueverant, classes emitterent. In id vero Hiderus, Ramadani Bassæ nepos, Mehemis, Leptitanus olim præfectus, atque Assanes, maritimarum rerum peritiores, consenserant, ut, triginta triremibus eductis; decem ad Rhodi Alexandriæque maria tutanda adhiberentur; totidem Cilicum custodirent; reliquæ Methonem ablegarentur. Consilio de mittendis in Peloponnesum triremibus, cum acriter Venerius legatus obstitisset, quod inde cum nostris diffidia exoritura, rem alias tentatam, atque prætermissam diceret, a sententia discessere. Byzantio vero quadraginta tantum triremibus stipatus Assanes Cicala egressus, in Peloponnesum Pylum usque, nulla præclara re gesta, nullo illato Christia-